



O‘ZBEKISTON RESPUBLIKASI
QASHQADARYO VILOYATI HOKIMINING
Q A R O R I

180100, Qarshi shahri, Mustaqillik ko‘chasi, 1-uy. Faks: (+99875)221-12-88, qashqadaryo@exat.uz

2022 - yil 29 - aprel

309-4-0-Q/22

Qashqadaryo viloyati hokimligi

O‘zbekiston Respublikasi Prezidentining 2022-yil 21-apreldagi “Kasanachilikni rivojlantirish asosida aholi bandligini ta’minlashga doir qo‘shimcha chora-tadbirlar to‘g‘risida”gi 214-sonli qarori ijrosini ta’minlash haqida

O‘zbekiston Respublikasi Prezidentining 2022-yil 21-apreldagi “Kasanachilikni rivojlantirish asosida aholi bandligini ta’minlashga doir qo‘shimcha chora-tadbirlar to‘g‘risida”gi 214-sonli qarori ijrosini ta’minlash maqsadida, O‘zbekiston Respublikasining “Mahalliy davlat hokimiyati to‘g‘risida”gi Qonunnibg 6 va 25-moddalariga asosan,

QAROR QILAMAN:

1. O‘zbekiston Respublikasi Prezidentining 2022-yil 21-apreldagi “Kasanachilikni rivojlantirish asosida aholi bandligini ta’minlashga doir qo‘shimcha chora-tadbirlar to‘g‘risida”gi 214-sonli qarori rahbarlik va ijro uchun qabul qilinsin.

2. O‘zbekiston Respublikasi Prezidentining mazkur qarori bilan:

Kasanachilikni tashkil etgan tadbirkorlik subyektlariga rag‘batlantirish choralari qo‘llaniladigan olis va chekka hududlardagi mahallalar ro‘yxati 1-ilovaga;

Kasanachilikni rivojlantirish asosida aholi bandligini ta’minlashga doir chora-tadbirlarni hududlarda tatbiq etish bo‘yicha mas‘ullar ro‘yxati 2-ilovaga muvofiq tasdiqlanganligi;

2022-yil 1-iyuldan boshlab kasanachilikni mehnat shartnomasi bilan bir qatorda ishlarni bajarish, tovarlar ishlab chiqarish yoki xizmatlar ko‘rsatish haqidagi fuqarolik-huquqiy shartnomalar, shu jumladan pudrat shartnomasi asosida tashkil etishga ruxsat etilganligi;

O‘zbekiston Respublikasi Prezidentining 2021-yil 5-avgustdagi “Mahallalarda tadbirkorlikni yanada qo‘llab-quvvatlash va tadbirkorlik subyektlari bilan aholi o‘rtasida kooperatsiyani rivojlantirishning qo‘shimcha chora-tadbirlari to‘g‘risida”gi 5214-son qaroridagi “yetakchi” tadbirkorlik subyektlariga Tadbirkorlik faoliyatini qo‘llab-quvvatlash davlat jamg‘armasi tomonidan kredit summasining 75 foizi miqdorigacha kafillik berish bo‘yicha tartib

mazkur qarorning 1-ilovasida ko'rsatilgan mahallalarda faoliyat yurituvchi kasanachilar soni kamida 10 nafar bo'lgan tadbirkorlik subyektlariga ham tatbiq etilishi;

Bandlik va mehnat munosabatlari vazirligi tashkiliy tuzilmasining umumiy shtatlar soni doirasida vazirlik markaziy apparatida, Qoraqalpog'iston Respublikasi Bandlik va mehnat munosabatlari vazirligi, viloyatlar va Toshkent shahar bandlik bosh boshqarmalari tuzilmasida kasanachilik faoliyatini rivojlantirish va muvofiqlashtirishga mas'ul bo'lgan bo'limlar tashkil qilinishi inobatga olinib ijroga qaratilsin.

3. Viloyat hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari – viloyat iqtisodiy taraqqiyot va kambag'allikni qisqartirish bosh boshqarmasi (Qodirov), viloyat Bandlik bosh boshqarmasi (G'ofurov), shaharlar va tumanlar hokimliklari bilan birgalikda ikki hafta muddatda har bir hudud uchun alohida kasanachilikni rivojlantirish asosida aholi bandligini ta'minlashga oid chora-tadbirlar rejasini ishlab chiqsin.

4. Viloyat bandlik bosh boshqarmasi (G'ofurov)ga shaharlar va tumanlar hokimliklari bilan birgalikda:

ish beruvchilarning buyurtmasi asosida kasanachilarni "Ishga marhamat" monomarkazlari, tuman (shahar) kasb-hunarga o'qitish markazlari va mahalla aholisini kasb-hunarga o'qitish maskanlarida o'qitishni tashkil etish;

mahallada tadbirkorlikni rivojlantirish, aholi bandligini ta'minlash va kambag'allikni qisqartirish masalalari bo'yicha tuman (shahar) hokimi yordamchilari va tuman (shahar) aholi bandligiga ko'maklashish markazlari bilan birgalikda kasanachilik orqali fuqarolarni ishga olish istagida bo'lgan tadbirkorlarni aniqlash hamda faoliyat yo'nalishi kesimida ularning ro'yxatini shakllantirish;

tadbirkorlar tomonidan taklif etilayotgan kasanachilik faoliyati bilan shug'ullanish uchun kasblar ro'yxatini shakllantirish;

kasanachilik bilan shug'ullanmoqchi bo'lgan ishsiz shaxslarni "Ishga marhamat" monomarkazlari, kasb-hunarga o'qitish markazlari va mahalla aholisini kasb-hunarga o'qitish maskanlarida talab etiladigan kasblarga o'qitish;

O'zbekiston Respublikasi Prezidentining mazkur qaroriga asosan kasanachilarni o'qitish xarajatlarini Bandlikka ko'maklashish davlat jamg'armasi mablag'lari hisobidan qoplab berilishini ta'minlash;

ish beruvchilarning buyurtmasi asosida "Ishga marhamat" monomarkazlari, tuman (shahar) kasb-hunarga o'qitish markazlari va mahalla aholisini kasb-hunarga o'qitish maskanlarida o'qitilgan kasanachilarni belgilangan tartibda ishga joylashtirish choralari ko'rish topshirilsin.

5. Viloyat teleradiokompaniyasi (To'ychiyev)ga mazkur qarorning maqsadi, vazifalari va undan kutilayotgan natijalarni ommaviy axborot vositalarida keng yoritib borish tavsiya etilsin.

6. Mazkur qaror ijrosini nazorat qilish viloyat hokimining moliya-iqtisodiyot va

kambag'allikni qisqartirish masalalari bo'yicha birinchi o'rinbosari – viloyat iqtisodiy taraqqiyot va kambag'allikni qisqartirish bosh boshqarmasi boshlig'i A.Qodirov zimmasiga yuklansin.

Viloyat hokimi



M.Azimov